



蘇批又八

皆存

入冬以後拙詩三十六首求

改定

題明中吳諸賢扇冊八首

文衡山已下
凡二十四人

○
平時老守温州任識得危身奉上人成就兒孫百年計閑居文
物冠儒紳

烏衣鎮口洞庭東林屋支硎菊氣通尚有白頭人倚閣萬峯杖

底起松風

畫學包山嗣白陽

小吳軒在虎邱

石湖莊一家籀隸藏峯出脫盡丹

青夏老蒼

馬糞何傷賦馬鞞漫言盧李共登壇未將大令臨神女肯假滄

溟附建安

嘉隆而後吳風盛。妃白抽黃漸又多。當日何曾論氣格。蕭疎小
筆尚嗟峨。

相君葯圃記先賢。未得瑤莖一例編。夜月梅花元墓院。春風鷺
子白門松。

練裘裴几日清新。漸到青溪社裏人。若準元和劉柳例。袁黃子
弟摠天真。

三十年間閱勝杯。朝朝玉磬響山樓。方瞳綠髮挑燈後。又見青

羊寫扇頭

○
依十洲上林苑圖

我昨手摹上林瓦。夜夢果見亡是公。當日刪取竟孰是。忽而廣
大生虛空。不知潦滴是何人。滾滾直蹴渭。以東藍田谷。抵霸陵
綠會合。涇瀉漭與灑。北遠黃山帶五柞。繭館柘館尤龍峯。珊瑚
樹照膠木觀。鴛鴦水。啞葡萄。宮闈豬之車。出校獵。司馬賦作先
揚雄。襟江陸。河下原野殺聲四塞橫。秋穹撞鐘樹簾浩呼洵。壑
羊白虎豺豕熊。離宮別館轉閒寂。層樓門掩樅栝楓。靚容曼飾

目窈窕倚檻盼立雲濛濛精靈欲語歌舞外似假菅藁芴窮通
弄田亦假鈎盾意水衡租出內府充詔于有司瞻氓隸安得畫
入登眺中馬卿賦所不到處置酒歎息思何窮水光鳥影一虛
碧秋扇吹動迴欄風餘址黃門罷憑弔未知英也何感同簿錄
虞官尚填咽經始將作初青紅屋林參差秦代植丁壯仿佛袁
家僮不寫荒涼毀又復蓮房菰米烟露叢

題耿覺庵觀察小照二首

目温伯雪轉成喧下上山根與水源雲氣往來濤響會桃椎豈

是竟無言

藉茵前度夢何如玉佩秦箏事有諸幻境了然無覓處只應記
得永師書

內子生日雨亭鄭君為畫麻姑圖用內子韻二首

不求米化丹砂術只擬先求作米方案上清齋無異饌餅中隔
宿有餘糧

狡獪煩他老畫師評量海水淺深時他年一閣東莖側卻卷江
湖入小詩

仇十洲畫唐人詩意冊

長短吟落金碧手幅幅煙光自花柳題詩最惜馬君常此幅亦
接宜興後當時再相獨遠嫌誰歟收葬知誼厚社中一唱悲婁
吟恨蓄吳兒作走狗騎馬少年美無度廿載跨陟絲綸首豈但
慙愧卷畫溪文貞忠介皆癸丑勁筆尚看徐庶子義聲相並揚
維斗明政不綱賢奸混東林翻作涇渭藪玉石俱焚棟棟折疾
風難語苦竹守吁嗟掩冊為起立粉墨空多賸何有

沈石田小幅

自題云我愛慈孝鳥噪集千年樹寫作歲寒
圖同氣宜親顧石田老人靜攝於天寧僧舍

閣後有崇邱巨木怪石清
泉羣鴉環集寫以志興

天寧寺閣花冥冥羣鳥早晚聽講經老人罷筇攝以息斜日落
景崇邱青城頭山鐘報客晚城中老母待兒飯門前泉罅踏古
藤一一歸飛送橫嶽

唐平楚尊人讀易圖三首

舌耕手一編其應在厥嗣段家著天咫不獨盈虛義
或或澤潤木濛濛山出泉春雷二月底曉雨七巖邊
隱非希谷口疑漫決唐生迴復白雲起滿窻梧竹聲

送馮伯求入都

半年隨硯席七載問堂室。與子適大路。此願蓋難畢。子實雄傑姿。奮起欽嶺萃。所學識其尤。真氣日沈鬱。窮年守茅茨。一日膺薦拔。十罷月答鬼。聲吹沸天關。往者年十九。氣與銅馬匹。作賦弔新息。已具渥洼骨。果然詠驥句。試席高碑砭。天駟超天河。詩名墜全粵。我求粵人詩。上下揆得失。土音正始音。相雜非一律。千年一曲江。不得併卻調。宋之余崔李。後孟賓于出。是皆非專家。源委究作述。迨乎明南園。才藻始奇崛。前後各五子。間亦根

根經術。亦又執格調。甘受王李沒。勤哉香山翁。復奏箭韶闕。梁黎歐在門。亦未深闡發。近時號三家。豪氣彌蕩佚。繩以律和聲。豈止舞僭佻。聖人於教人。有始速有卒。紉箴與佩鞶。早自童子日。滄瀟涵母義。內則備纖悉。毋傾聽跛踣。毋放飯齒決。灑掃應對事。根本性情物。是以六藝論。先於羣經說。石渠諸老師。不止口義詰。矻矻引條理。徐徐待穿穴。三年通一藝。三十立可必。豈無性鈍敏。要取功充實。所貴於文字。即天理天秩。中誠外斯應。其發若機括。收之方寸眇。放則溟海濶。必深探力取。知先後本

未子卧窮海畔有才誰汝竭及爾遊大都又親名揚熱季春別
家日拜母肯違膝端江共舟途每說常嗚咽到秋拆家書驚聞
弟夭折三日不飯美卧似病兀兀文字雖強作應舉非所悅全
風關乙榜半夜報蒼卒避人但淚滂手自以巾抹是皆我目見
非猶譽詞筆是皆子實學不為羅卷帙方冬偕計吏北上日訊
書且當培松筠何但埽軋茁宦海人海地春風浩噓拂慎持金
入冷勿輕膠在漆吾門有謝生天琢金玉質十年遊詞場聞道
若饑渴至今營困屢尚遲刈捭粟汝往試與友相觀斂於密離

羣難久居吾婦指暮月凡今媚學子孰肯勤匡弼同舟皆泛交
况彼學未達饒生亦舟中與爾氣誼豁示以我此詩共讀宜戰
慄

江孟亭喝月圖

詩落杯中不知處飛上青天捲煙霧孤光一道海氣涼萬象續
紛皆卻步鬱勃淋漓為誰怒仰看屋梁嘆遲莫區區東家八萬
軸攬拾豹鼠方箋註

孟亭名浩然嘉興人注朱竹垞詩

題水墨牡丹卷二首用卷中韻

墨紫

已次第有咀
嚼此則亦有
文采与吐属
也

不持次第有
咀嚼而推拓

養花天氣香誰因霧意纔收雨意新倒暈臺留深夜照紫金盞
妒淡粧人三秋傳著根頭接十日抵徊葉底親子母詩家誇潑
墨天彭已隔一層春陸務觀天彭牡丹記云紫繡球為紫花之
冠乾道紫色稍淡而暈紅出未十年發墨
者新紫花之子也歐陽永叔洛陽牡丹記云
葉底紫其色如墨亦謂之墨紫延十日之久

墨綠

名綠蝴蝶

人到花開如蛺蝶記和綠黛映窗紗枝頭葉底不知綠酒影燭
光皆是花舞態春迴金谷樹飛章夜下玉皇家肯緣洛譜無名

得開天必先

圓淨而心先
已生則可以
大筆段

字湧向思公小閣誇

朱文公遊畫寒詩墨蹟卷借公韻

風月要人看潭溪與雲谷萬古青山青晚對一間屋時初結晦
菴白雲嘯也獨鳥飛南礪石簾卷西崖瀑屏山白水間書紳緬
遺牘未筮遯初爻復初且歸宿空山託雷轉靜卧以寓目整凝
冰凌兢春破卉芬馥消長非文字假寐時借讀一掃注詁釋梁
邱京弼蕭覺來亦何有山鐘響飯粥前堂未雨雲忽與後軒逐
清漪既環帶響碣亦迴復仙洲匪耽賞密菴豈邁軸紫微老人

寔成就
一氣卷舒
得之于自
家耳

書瘦掣蛟起陸石壁草隸勢空涼灑梧竹且畫而夜氣天籟吾
何惡後梁家前有胡銓交贊彈冠沐履霜於陰始如厦誰一和
爾日已測微鼎折鍊之覆三年後拜命十載先僕僕九考四十
田澹沲水一舸况彼林栗輩營營坐庸碌沛乎塞天地看此珠
萬斛晝寒安在哉寺空松柏秀

唐泰山磨崖銘

完完嶽色千字存此搨二百年前論神飛四千九百如手摸日
觀凌天門鸞翔鳳翥磴道表俯照碧海黃河奔宏農歌未兆得

體

都董切

金輪拜洛壇已燔不聞后妃與獻禮景雲舞鶴登降煩

金繩玉檢貞觀議乾封朝覲碑字昏猶言禮備德施溥告成之

義垂後昆紺珠記事張學士定儀遂抗臨漳源黑龍既伏大弧

袖白驪還等封樹尊升山執事官穰穰陝右上黨接太原兵五

十萬五百里金橋畫本軒乾坤當時精裡叩秘玉意薄前代求

僊言四明狂客亦諫諫出牒受福於黎元河東祈穀河北賜勅

齊克漢胥拜恩四方治定歲大稔宜薦嶽伯天帝孫上帝之休

祖考慶若述后稷歌姜嫄又云惡患傲在位何異懲鑒桃蟲翻

使其守此弗踰越。頌美豈必嫌文繁。八分雄傑去臃腫。四言典質追胚渾。歐陽洪氏所未錄。遠思歛夢岱頂騫。摩挲七十有二代。古篆風雨長松根。

題侯官林氏摹刻玉枕蘭亭三首

蘭渚書摹蘭話堂。葯洲客弔藥洲藏。廖瑩中號葯洲又看仿製林家硯。

春雨梨花顧二孃。林氏硯多吳門顧大家製

誰教博議辨尖纖。勇爵功勳報最嚴。留得笙歌水雪影。千年燈炮照風簾。

葦石刻寧攙定石。梅花版更換松花。蠶頭曲腳封紋樣。小隸風流自一家。

宋寶祐四年同年小錄

舟發廣州

五問凌江雪。七轉羊城臘。旗風新陽動。船尾陳迹踏。我懷鬱以紆。如水遶百匝。城臨萬石源。孰者真響答。既推映溪篋。仍下看山榻。午潮從西來。陰景屢噴欲。空涼彩翠氣。不敢以襟納。羣嶺相低昂。層雲遞閉闔。莫烟浩搖颺。但指西南塔。

峽山寺和蘇韻二首

我胸無宿物矧此南北灣二禺去千載尚留想真顏青巔風雨
夜碧海笙鶴還老僧睡不醒驚潮撼柴關虎饑猴亦嘯環鎖響
空山遂疑欲飛去萬籟然諾間收之跡息定一峯一壩環仍坐
帶玉堂衆綠排煙鬟

七載已六來一來詩一束水駛泉則甘山靈地亦福峽北到峽
南樵牧耕漁族豐以蠶蛤產遠之田塍綠同養爾緇徒年登百
穀熟守此深洞獲秘彼古環玉是之謂功德日積而月蓄花開

上下臺草長前後谷石橋高過杙松門大於屋山蹊用成路水
苔繡如穀藥苗既春採厨潭可冬浴吾何頻憇此茶瓜地主辱
陟岡藤竹藉摘果僕僮督攬青石榴赤橘酸楊梅酷手品扣郡
水到處飲一掬始信鷓鴣枝何別鼯鼠腹七十二翠峯一榻等
局促水中石本靜何以響雷轍過客萬萬古俊語皆往躅我契
温伯雪但取擊即目如此山此水奚眼佛眼肉愚公谷漫移長
房地豈縮共汝界大千同閱時二六一彈指即是偈子那足錄
寺僧乞千巖果應答萬壑流滿足春雨洗蒲團處處摩尼燭
詩序

月莖寺和蘇韻

寒江帶紗碧可憐映此徹骨棱棱山周圍湏注大圓鏡林空壑
 淨無陰姦居人擣杭負米賣遊舸結罩烹魚還巖扉腥除地虺
 蟻礪曲香發葭蒲管澆禾既易膽礮利鑿井豈比銅場艱月莖
 破茅更缺漏濛濛遠樹遮爛斑牧兒騎牛響竹籥道人托盃敲
 銅鏡民逾樂業寺反窘彼非多取此豈慳道人宜嫌食田寡木
 魚自警空山鱖焚書燒偈寺更古坡字那復題梁間寺有舊志
二卷皆誇

助施之盛殿右梁蘇題
字見周公謹齊東野語

予三年前是日泊舟於此有讀黃詩寄楊謝姚三子之作
 今復以分宜新刻本校勘天社任淵注仍用舊韻寄三
 子并示伯求德敏庚寅臘月五日始興舟中

舊味又三年推蓬山泉渠依然篙竹聲憂此石角觶粵江隣西
 江一嶺翠呼吸乾坤清剛氣不徒在篇什往者我尋源但矜餘
 波沔滄海橫流澗照以宵囊燭聽律推元聲皦繹由始翁詩到
 蘇黃盡此秘非傳習輾轉相箋釋楮墨爭襍香近日舊家本編
 年何人輯新刻篇第
頗失次但言羞雷同有才翻斂戢矯之美言痾懦

者牙慧。論詩百年來。北王南朱。挹新城論。雖許竹垞見猶執。竟與放翁熟。同誠初負笈。秀水朱簡詩云嘗病請問生孰義誰浩翁太生放翁太熟誰餐誰取給。誰調閑良樂。誰羈勒騏驎。元酒明水設。本先讓與揖。玉瑩變丹青。艱哉何岌岌。淡然無一物。倏忽百怪集。鯨翻蛟鱓橫。星墮神鬼泣。為絲麻菽粟。為冠裳襦襲。色元黃朱綠。區州居部色。太史衣褐樣。非染藍芥苳。亦非蝓蟬格。卷堅百三十六經。一筆書矧范滂郭伋。山谷嘗手書後漢范滂郭伋諸傳磊落忠節貫萬古。脉熟緝吾求之派。圖瑣屑徒滋悒。仍歸求之道。大路我懷急。更求山

礪谷求泉水。出入是日源。江口自下如拾級。新陽動微漲。薄莫濃陰裏。涼出草樹間。衆綠溢于汴。舜峯三十六。迴望屹而立。前乃如袂擁。後或如垣葺。沿江萬小礫。如卧如蟠。一氣奔南贛。羣峰怒誰繫。西江莽莽勢相望。果相及。白沙翠竹底。遠浪連灘。汲品泉水。一勺聚米山。一粒積小以成大。吹燥而諧濕。陟嶺崇由卑。行灘坦非澀。大海相迴環。千里見原隰。明晨更登陸。初晴閉昏霄。

疎疏晚風香青青東湖韭登此南食監我客嶺下久麵細勝枕
榔土風同牢九芼之羹蒿短又及初春首前年冰雪晨憐子泊
江口不為庾郎貧轉成予顏厚東湖芽向黃尚待水楊柳地氣
此太洩沈吟倚欄後

南雄太守張蒙川以其祖東海翁墨迹卷見贈用黃文節

觀李西臺草聖書帖詩韻報之

近代草書推擅場三宋名遠接李楊雲間書派自二沈後來最
著武部郎奚論顛張及禿素筆力凌宋兼跨唐枝指生蹟傳或

過罕此力出仍鋒藏鋒所未及力已及竹石槎枒山雨濕古篆
屈鐵刀錯金海波掀翻老蛟立梅花嶺下一笛風瘦骨盪盪破
春蟄當時不獨書絕塵重開此嶺公手親公手種梅又種竹
蔭行人貽後人三百年後嶺下院覓公舊句吟哦遍海天一線
俯大荒層空墮下飛雲涼江聲劍勢眩不定淋漓飄落我錦囊
公孫來守粵民喜風月何減南安堂

書